

『新撰姓氏錄』左京諸蕃上

左京諸蕃上〈起太秦公宿禰。盡筑紫史。卅五氏。〉

漢

太秦公宿禰

出自秦始皇帝三世孫孝武王也。男功滿王。帶仲彥天皇〈諡仲哀〉八年來朝。男融通王〈一云弓月王〉。譽田天皇〈諡応神〉十四年。來率廿七縣百姓歸化。獻金銀玉帛等物。大鷦鷯天皇〈諡仁德〉御世。以百廿七縣秦氏。分置諸郡。即使養蠶織絹貢之。天皇詔曰。秦王所獻絲綿絹帛。朕服用柔軟。溫緩如肌膚。仍賜姓波多。次登呂志公。秦公酒。大泊瀨幼武天皇〈諡雄略〉。絲綿絹帛委積如岳。天皇嘉之。賜號曰禹都萬佐。

秦長藏連

太秦公宿禰同祖。融通王之後也。

秦忌寸

太秦公宿禰同祖。融通王五世孫丹照王之後也。

秦忌寸

太秦公宿禰同祖。融通王四世孫大藏秦公志勝之後也。

秦造

始皇帝五世孫融通王之後也。

文宿禰

出自漢高皇帝之後鬱王也。

文忌寸

文宿禰同祖。宇爾古首之後也。

武生宿禰

文宿禰同祖。王仁孫阿浪古首之後也。

櫻野首

武夫宿禰同祖。阿浪古首之後也。

伊吉連

出自長安人劉家揚雍也。

常世連

出自燕國王公孫淵也。

山代忌寸

出自魯國白龍王也。

大嵒忌寸

出自魏文帝之後安貴公也。大泊瀨幼武天皇〈諡雄略〉御世。率四部衆歸化。男龍〈一名辰貴〉善繪工。小泊瀨稚鷦鷯天皇〈諡武烈〉美其能賜姓首。五世孫勤大壹惠尊。亦工繪才。天命開別天皇〈諡天智〉御世。賜姓倭畫師。亦高野天皇神護景雲三年。依居地。改賜大嵒忌寸姓。

幡文造

大嵒忌寸同祖。安貴公之後也。

楊侯忌寸

出自隋煬帝之後達率楊侯阿子王也。

木津忌寸

後漢靈帝三世孫阿智使主之後也。

楊胡史

楊侯忌寸同祖。

淨村宿禰

出自陳袁濤塗也。

清宗宿禰

唐人正五位下李元環之後也。

青海宿禰。

出自唐人從五位下沈惟岳也。

嵩山忌寸

唐人從五位下〈船典賜錄。〉張光入朝焉。沈惟岳同時也。

榮山忌寸

唐人正六位上〈本國岳賜錄。〉晏子欽入朝焉。沈惟岳同時也。

長國忌寸

唐人正六位上〈本押官賜錄。〉五稅兒入朝焉。沈惟岳同時也。

榮山忌寸

唐人正六位上〈本判官賜錄。〉徐公卿入朝焉。沈惟岳同時也。

嵩山忌寸

唐人正六位上〈本丑倉賜錄。〉孟惠芝入朝焉。沈惟岳同時也。

清川忌寸

唐人正六位上〈本賜錄。〉盧如津入朝焉。沈惟岳同時也。

清海忌寸

唐人正六位上〈本賜錄。〉沈庭勗入朝焉。沈惟岳同時也。

新長忌寸。

唐人正六位上馬清朝之後也。

當宗忌寸

出自後漢獻帝四世孫山陽公也。

丹波史

後漢靈帝八世孫孝日王之後也。

大原史

出自漢人西姓令貴也。

桑原村主

出自漢高祖七世孫萬德使主也。

下村主

出自後漢光武帝七世孫慎近王也。

上村主

廣階連同祖。陳思王植之後也。

筑紫史

陳思王<一名東阿王。>之後也。